



14. maj 2007

Inatsisartut Forretningsorden-iani § 36 stk. 1 tunngavigalugu apeqquteqaatit makkua Naalakkersuisunut apeqquteqaatigerusuppakka:

Naalakkersuisunut apeqquteqaatit KNI-p amigartoorutaanut kr. 250 mio-ingajaasunut matussusiinermut tunngasuupput.

(inatsisartunut ilaasortaq Jens B. Frederiksen, Demokraatit)

Apeqquteqaatinut tunngavilersuutit:

Naalakkersuisut siulittaasuata arlaleriarluni oqaatigisarsimavaa KNI-p 2006-imi amigartoornerujussua Pilersuisoq A/S pisiniartartuinit imaluunniit nunatta karsianiit matussuserneqassanngitsoq.

Tamatumunnga atatillugu apeqqutit makkua apeqqutiginiarlugit kissaatigaara. Taamatut apeqquteqarninnut suliffeqarfissuup KNI-p aningaasatigut inissisimanagera tunngavigaara, tabel ataaniit-toq takuuk.

KNI: Kisitsisit pingaarnerit 2004-2006 (Aallaavik:Aningaasatigut Inatsisit 2005-2007)			
	2004	2005	2006
Selskabsskat	3,0	2,4	???
Nam.Oq. pissarsiassa	14,7	20,7 ¹	0

1. Suliffeqarfissuit Namminersornerullutik Oqartussanik pigineqartut siunissami piginnittumik minnerpaaffilikkanik tunniussaqaartalernissaat pillugu Naalakkersuisut 2005-imi aalajangiussaqaarsimanagerat ilumoorpaa? Tamanna ilumoorimassappat suliffeqarfissuit Naalakkersuisut taamatut aalajangersimanagerat qanoq annertutigisumik malissimanageraat pillugu Naalakkersuisut qanoq naliliisimappat?
2. Ukiuni aggersuni suliffeqarfissuuaq KNI pissarsiami ilaannik akiliuteqartassanngippat – kiisalu siuliani apeqquteqaatiga nangillugu aamma ilaatigut Namminersornerullutik Oqartussat aktiaataat aqutugalugit suliffeqarfissuarmi KNI aningaasarpasuarnik inissisimasuuteqarnera tunngavigalugu – imatut paasisariaqarpoq Landskarsip toqqaannanngikkaluartumik KNI A/S amigaartooruterujussuinik matuseqataasoq. Naalakkersuisut ataatigut atsiortoq assigalugu isumaqarpat inerniliinermut akerliunissamut toqammavilersuinissamut oqaaseqaatinik naapertuilluartunik ilanngussisoqarsinnaanngitsoq?
3. KNI-p 2006-imut ukiumoortumik nalunaarutaani takunneqarsinnaavoq Pilersuisoq ukiuni 2005 aamma 2006-imi 23,6%-imik tamakiisumik nioqqutissatigut iluanaarutissat ilanngute-reerlugit ingerlasimasoq. Ukiunut 2004-mut naleqqiullugu tamanna qafariarneruvoq, tassa nioqqutissatigut tamakkiisumik iluanarutit ukioq taanna 23,0 %-iutinneqarmata. Suliffeqarfissuup isaanik isigalugu ukioq 2006 kinguariartorfiusimasutut malunnaateqarsimavoq, tamannalumi immikkut maluginiartariaqarpoq, tassami Naalakkersuisut naliginnaasumik aningaasaqarniarnikkut politikkiminnut atatillugu oqaatigisuarnikummassuk ukioq 2006 tassaa-

¹ Pisiffik-up aktiaasa KNI-miit Namminersornerullutik Oqartussanut nuutinneqarnerinut atatillugu immikkut ittunik pissarsiassatut tunniussat 66,3 mio. kr. ilanngaatigereernejarpur.



simasoq ukioq aningaasaqarniarnikkut siuariarfiusimasoq. Tamanna malunniuppoq Naalakkersuisut ukiumut 2007-imut Aningaasatigut Inatsissamut atatillugu allannguutissamik siunnersuummik saqqummiussimmata, tassa isertitassatigut pingaartumik akileraarutitigut isertitassatigut qaffanernik kinguneqartumik, tamatumunngalu tunngavigineqarpoq 2006-imi isertitigut ilorraap tungaanut ingerlasimaneq.

Pilersuisup nioqqutimigut ataatsimoortumik iluanaarutimi procentia qanoq annertutigisumik qaffassinnaavaa tassa suliffeqarfissuup 2007-imi iluanaarutissani 2004-mi iluanaarutaasimasutut annertutigisunik iluannaruteqarnissani angussaguniuk?

4. Naalakkersuisut siulittaasuata suli allatigut innuttaasunut piumasaqaaqaarani KNI A/S amigartoorutaasa ilaannakortumik imaluunniit tamakkiisunik matussuserneqarnissaat Landskassemit, akileraartartunit imaluunniit Pilersuisup pisiniartartuinit akilernerneqannginnissaa qulakkeersinnaallugu innuttaasunut neriorsuutigisinnaavaa? Tamanna neriorsuutigisinnaalugu akuersaaruiniuk, taava kissaatigineqarpoq Naalakkersuisut Siulittaasuata sutigut isertitaqarniarnikkut suliffeqarfissuup isertitaqarniarnerata ingerlaannarnissaa qulakkeerniarlugit akulerunissaq pillugu nassuiaatissanik tunniussaqaarnissaa.
5. Suliffeqarfissuup KNI A/S amigartoorutai uvani pineqartut akileraarutit akilernissaat sioq-qullugu 250 mio. kr. tikingajallugit annertussuseqartut Naalakkersuisut politikikkut tunngavilersorneqanngitsumik eqqarsaatigilluagaanngitsumillu nunaqarfiit ataatsimut aqqissugaanissaannik aalajangernerannut pissuterpiaasorinarmata, Naalakkersuisut sullarliornermut politikikkut akisussaaffik suna uvani aammalu piffissami sumi atuutitinneqassanersut paasissutissiisutigissagaat kissaatigaara – kikkullu akisussaatinneqassanersut? Apeqquteqartup akisuteqarnermi pisarnertut pereersimasuni uninngaannarata siunissamullu isiginerusariaqartugumik akissuteqarnissaq, atorneqarajuttoq kissaatiginngilaa. Kiisalu KNI A/S aktieselskabmat namminersortoq akuleruffigineqarsinnaanngitsumillu akissuteqarnissaq aammattaq apeqquteqartumik kissaatigineqanngilaq.
6. Naalakkersuisut Siulittaasuata nunaqarfiit ataatsimut aqqissugaanissaannik siunniussaqaqarluarnerup iluatsinngitsoortup, taamaammallu KNI A/S-ip 2006-imi 250 mio. kr.-inik amigartooruteqarnernut pissutaasup politikikkut akusussaanini akuersissutigaa?
7. KNI-p amigartooruteqarnerata kingunerisaanik kiisalu nunaqarfiit aqqissugaanissaannik siunniussaqaqarluarnerup iluatsinngitsoortup kingunerisaanik Naalakkersuisut suliffeqarfissuit selskabit Namminersorerullutik Oqartussanit pigineqartunut tunngatillugu piginnittutut ingerlatsinermut tunngatillugu qanoq isumaliuuteqarpat?
8. KNI-p 2006-imut ukiumoortumik nalunaarusiaani takuneqarsinnaavoq, naatsorsuutininik kukkuneruisuup KNI-ip akileraarutininik A-nik kiisalu afgiftininik akiliiffissamut killiliusap iluani akiliinngitsoorsimanera maluginiarsimagaa, tasanilu aqutsisut akisussatinneqarsinnaasut soorlu akiliisitaanikkut. Tammanna isertitat akileraaruteqartinneqarnerat pillugu inatsimmi § 107-imi erseqqissumik allaqqavoq kinaluunniit piaaraluni imaluunniit akiliiffissap killisaaninik annertuumik soqutiginninngitsoq sulisut akileraarutaannik A-nik ilanngaatigeriikkaminik akiliinissamut killissarititaasut iluani akiliinngitsoq pineqaatissinneqassaaq. Soorlu naluneqanngitsoq utoqqatsissutit, soorlu assersuutigalugu aningaasaqarniarnikkut naatsorsuutiginnisamik pisoqarsimanera pissutigalugu akiliisinnaassutsikkut ajornartorsiuteqaleriasaarnerit matumunnga atatillugu atorneqarsinnaanngillat.



- a. Naalakkersuisut piginnittunut sinnisuusut naammagisimaarnerlugu pisimasumi matumani KNI-p isertitatigut akileraatarnermut inatsimmi piumasqaataasunik naammassinissimangimmat?
 - b. Naalakkersuisut inatsisinik unioqqutitsineq una paasineqartoq tunngavigalugu isumaqarpat Naalakkersuisut 2006-imi KNI-p aqutsisuinik tatiginninnerata allannguuteqarneranik kinguneqassasoq?
 - c. Taamaassanngippat inatsisinik unioqqutitsinerit qanoq annertutigisut Naalakkersuisut akuersaarneqarsinnaasutut isigineqarsinnaasutut qanoq qummut killilerniarpaat?
9. Maannakkumut KNI-mi siulersuisunut ilaasortatut issiasunut ataasiakkaanut tunngatillugu toqqarniarnerinut atatillugu ilinniakkatigut aqutsisinnaassutsikkullu piginnaasat ilinniakkatigullu takkussutissat pigineqartut toqqarnerinullu tunngavigineqartut pillugit tulleriarlugit allattuganngorlugit pissarsiarinissaat kissaatigineqarpoq. Kiisalu kissaatigineqarpoq immikkut paasissutissiissutigeqqullugu suliuersuisut allattoqarfiata siulerluisut toqqagaanissaat sioqqullugu siulersuisut maannakkut atuuttut toqqarneqarnissaannut siunnersuutinik suliarsimanersoq.
10. Naalakkersuisut ataatigut atsiortoq isumaqatigalugu isumaqarnerlutik Namminersornerullutik Oqartussat pigisaanni suliffeqarfissuarni direktørit soraarnerinut atatillugu aningaasarpasuarunik tunisisarneq, aammattaaq KNI-mi atorineqartoq nalinginnaasumik ajornartorsiutaalersimasoq? Lars Emil Johansen-ip kiisalu Ole Ramlau Hansen-ip Royal Greenland A/S-imit tunuarnerinut atatillugu aningaasarpasuarunik tunisineq naapertuilluarnermik naleqquttumillu tunniussineq tunuliaqutassaqaartinneqanngilaq, ilumoortorli unaavoq taamanikkut suliffeqarfissup aningaasaqarnera seqummakuusutut oqaatigisariaqarsimammat. Soorlu naluneqanngitsoq taamanikkut pisortat suliffeqarfissuup aningaasaqarneranik iluarsiiarlutik 200 mio. kr.-it missaami tapiissuteqrrtariaqarsimapput. Maannakkut Gerhard Petersen soraarneranut atatillugu 8 mio. kr. missiliorlugit aningaasanik tunineqarsimavoq. Kingumut soraarnermut atatillugu aningaasarpasuarunik tunisineq, direktørip pineqartup KNI-mi sularisimasaanut naleqqiullugu kanngunaannartumik naleqqutinngilluaasartut. Naalakkersuisut uvani niparsatannguerullutik isumaqataanerat allaanngilaq assuarnartumik iliuuseqarsimanerit annertusiartortillugit Namminersornerullutik Oqartussat suliffeqarfissuini direktørit suliunnaartut pissarsiassaat annertusiartortinneqartarnerat pissusinngorsimasutut oqaatigineqarsinnaalersimasoq. Gerhard Petersen-imut tunngatillugu aammattaaq oqaatigineqassaaq KNI-mi suliunnaarnermi kinguninnguatigut pisortat suliffeqarfutaanni allami siuttut ilaattuut aningaasarsiarissarfioqisumik atorfinitsinneqarmat, taamaammallu KNI-miit suliunnaarnermi kingornatigut atorfimmuut allamut ikaarsaariarnerani piffissamik siviisuumik atuisimangimmat aningaasaqarneranerat tunngavissamik qulakkeerinniffigineqarnissamik pisariaqartitsisimasutut oqaatigineqarsinaasimanani.
11. Naalakkersuisut ataatigut atsiortoq assigalugu isumaqarpat Naalakkersuisut piginnittunut sinniisuunertik aqutigalugu Namminersornerullutik Oqartussat pigisaanni ataatsimeersuarnerini siulersuisut aqutsisullu siunissami aningaasarsiaqaartinneqarnerat soraarnermullu atatillugu pissarsiaqaartinneqartarnerat appartinneqassasut, tassa inuiaqatigiit sulinneqartut nalinginnaasumik aningaasarsiaqaartinneqarnerannut naleqqersuutinngilluinnartumik inissisimajunnaarsinneqassasut aammalu angusarisaannut naleqquttunngortinneqassasut? Apeqquteqaateqartup tamatumunnga atatillugu maluginiarpaa pissutsini taamaattuni Naalakkersuisut atorfinittussat naammattunik piginnaasaqartut pissarsiarissagaanni aningaasarsiat naammatt-



tunik annertussusillit nunarsuarmi unammilersinnaasut atortariaqarnerat patsisiginartaraat uppersaatitaqanngitsoq, uvanilu KNI-mi atorfeqartitsisimanermi tungaavilersuutit tamakua atorneqanngilluinnarsimapput.

12. KNI-p aktieselskabinngortinneqarneranut atatillugu inuiaqatigiinnut aningaasatigullu sukut iluaquteqarsimanersoq qanoq Naalakkersuisut nalilersinnaavaat?
13. Uvani suliffeqarfissuaq pissutsit piviusut tunngavigalugit kisermaassisinnaatitaanermik pigisaqartup namminersortutut suliffeqarfittut ingerlalnissaa pisariaqarlunnartutut apeqqusernissaa pisimasariaqanngikkaluarpoq, tassami suliffeqarfissuaq kiffartuussinissamut isumaqatigiissut tunngavigalugu pinngitsoorani ingerlasusaammat. KNI-p suliffeqarfimmut iluanaaruteqarluni ingerlasussatut allanngortinneranut sutigut iluaqutissat tunuliaqutaasimanersut Naalakkersuisut takusinnaasimavaat?

Apeqquteqaatit tiguneqarneriniit akinissamut piffissaliussat ullut qulit iluanni akissuteqarnissaq piumasarineqarpoq.